

## IUDICIVM DE COMETIS.

Magnetem ad se ferrum attrahere, Rhabarbarum corpora purgare, usus docuit non ratio. Quinimò post tota elapsa secula nemo adhuc inuentus est, qui uteras & proximas horum eventuum seu operationum causas inueniret. Quae aliqui protulerunt, eruditorum animos non expletant. Utinam uero non reperiuntur plurima talia in artibus omnibus. Sed qui haec nobis obiciunt, sententiam nostram non assequuntur: nec intelligunt aliud agi, cum queritur, propter quam causam Cometæ preindicent calamitates expositas: quam cum queritur, Vtrum eas præmonstrent? Qui causam reddere studet, cur Rhabarbarum bilem uacuet, is pro confesso omnibus potuit Rhabarbarum bilem detrahere. At qui hoc agit, ut Rhabarbarum probet bilem deducere, is dubitari adhuc putat, vtrum ita res habeat. Non hoc postulamus, ut causa explicetur, propter quam Cometæ infortunia illa denuncient. Non enim concedimus, eos hac natura præditos, ut naturaliter quid eiusmodi possint significare. Si tam certi essemus, Cometas infelicitates nobis certas præfigurare, quam certo nouimus Herculeum lapidem sua quadam vi ferrum ad se attrahere, nullam eius rei probationem peteremus. Hoc querimus et ostendi nobis cupimus, vtrum Cometæ prænuncient supradictas miseras? Non postulamus nobis prænunciatio-nis huius, de qua nobis nihil constat, causas explicari. Ut non recte facit, qui pro confesso accipit, quod maxime dubium est probationeque præcipue eget, ita imprudenter agit, qui rationibus astruere conatur, cuius ostensionem nemo requirit. Cum causam indagamus, propter quam Rhabarbarum corpus purgat, non hoc petimus, ut probetur nobis ipsum hoc facere. Quoniam experientia & sensus nos hoc docuerunt, illud ratione demonstrari oportet. At multorum seculorum, inquis, experientia probauit. Audio quidem ista dici, sed vtrum vere dicantur, consideremus,

§. 4

Ex.

enuit